

स्वस्ति॒दा आ॒र्घृणिः॒ सर्व॑वी॒रो ऽप्र॑यु॒च्छत्युर॑ ए॒तु प्र॒जान॑न् ॥५॥
 प्र॒पथे॑ प॒थाम॑जनि॒ष्ट पू॒षा प्र॒पथे॑ दि॒वः प्र॒पथे॑ पृथि॒व्याः ।
 उ॒भे अ॒भि प्रि॒यत॑मे स॒धस्ये॒ आ च॒ परा॑ च चरति प्र॒जान॑न् ॥

LIII. RIGVEDA X. 18.

- परं॑ मृत्यो॒ अनु॒ परे॑हि॒ पन्थां॑ यस्ते॒ स्व इ॒तरो॑ दे॒व्याना॑त् ।
 5 चक्षु॑ष्मते शृण्व॒ते ते ब्रवी॑मि॒ मा नः॑ प्र॒जां री॑रिषो॒ मोत॑ वी॒रान् ॥
 मृत्योः॑ प॒दं यो॒पय॑न्तो॒ यदै॑त॒ द्राघी॑य॒ आयुः॑ प्र॒तरं॑ द॒धानाः॑ ।
 आ॒प्याय॑मानाः प्र॒जया॑ धने॒न श्रु॑द्धाः पू॒ता भ॑वत॒ यज्ञि॑यासः॥२॥
 इ॒मे जी॒वा वि॒ मृतै॑राव॒वृच॑न्नभू॒द्भद्रा॑ दे॒वहू॑ति॒र्नो अ॒द्य ।
 प्रा॒ज्वो अ॒गाम॑ नृ॒तये॑ ह॒साय॑ द्राघी॒य आयुः॑ प्र॒तरं॑ द॒धानाः॑ ॥३॥
 10 इ॒मं जी॒वेभ्यः॑ परि॒धिं द॑धामि॒ मैषां॑ नु॒ गाद॑परो॒ अर्थ॑मे॒तम् ।
 श॒तं जी॒वन्तु॑ श॒रदः॑ पु॒रुची॑रन्त॒र्मृत्युं॑ द॒धतां॑ प॒र्वते॑न ॥४॥
 यथा॑हा॒न्यनु॒पूर्वं॑ भव॑न्ति॒ यथ॑ ऋ॒तव॑ ऋ॒तुभि॑र्यन्ति॒ साधु॑ ।
 यथा॑ न॒ पूर्व॑म॒परो॑ जहा॒त्येवा॑ धा॒तरा॑यू॒षि क॑ल्पयैषाम् ॥५॥
 आ॒ रो॒हता॑यु॒र्जर॑सं वृ॒णाना॑ अनु॒पूर्वं॑ यत॑माना॒ यति॑ष्ठ ।
 15 इ॒ह त्व॑ष्टा सु॒जनि॑मा स॒जोषा॑ दी॒र्घमा॑युः॒ कर॑ति जी॒वसे॑ वः॥६॥
 इ॒मा ना॑री॒रवि॑ध॒वाः सु॒पत्नी॑रा॒ज्जने॑न स॒र्षिषा॑ सं वि॒शन्तु॑ ।
 अ॒नश्र॑वो॒ ऽन॑मी॒वाः सु॒रत्ना॑ आ॒ रो॒हन्तु॑ ज॒नयो॑ यो॒निम॑ग्रे॥७॥
 उ॒दीर्घ्व॑ ना॒र्यभि॑ जी॒वलो॑कं ग॒तासु॑मे॒तमु॒प शेष॑ एहि॒ ।
 ह॒स्तया॑भस्य॒ दिधि॑षोस्त॒वेदं॑ प॒त्युर्ज॑नि॒त्वम॑भि सं ब॒भूथ॑ ॥८॥
 20 ध॒नुर्ह॑स्ता॒दाद॑दानो मृ॒तस्या॑स्मे स्त॒त्राय॑ व॒र्चसे॑ ब॒लाय॑ ।